

37
43

TÆDAM NUPTIARUM SOLEMNIUM **BERENDTIO.** BEHEMIANARUM

Anno 1690. d. 10. Octobr.

Solemniter celebratarum

illustrare debuerunt

Intus Nominati.



THORVNII,

Typis expressit JOANN-BALTHASAR BRESLERUS,
Nobil. Senatus & Gymnasii Typographus.



Dum glacialis hyems nobis jam magna minetur,
Impedit & gelido membra tenella gelu.
Exopto noctem, felix ut molle cubile
Carperem, at illa suis fræna resolvit eqvis.
Fusis interea tenebris, somnoq; sepulta
Exiguo cum jam membra supina forent.
Nescio quo fato me candida corpore Nympha
Tangit, vix tenuit jam mea membræ calor.
Forte Novenarum fallor qvin una Sororum
Invasit Juvenem, sic puto, sic memini.
Veste Deæ instar tvnc facie mihiq; adstitit alba
Serta caput circum laurea qvippe gerens.
Cumq; forem attonit⁹, somn⁹ tum protinus omnis
Exilit, absq; mora verba *Thalia* canit.
Berendt non novies lætos celebrato Triumphos!
Mellifluis hymnis cantica non novies?
Omnia Lætitia modo sunt animata per Urbem
Nostram, cum vobis Carmina læta damus.
Excla-

Exclamo, hæc est ista dies celebranda per ævum,
Et recte Natis commemoranda piis.
Ista dies est hæc, qvam mente fideq; decenti
Berendti Nati concupiere Patris.
Adsis ac venias Frater, Dulcissime Frater,
Adsis jam tellus qvem peregrina tenet.
Tu nescis nostrum Genitorem carpere plausus,
Dum sociam fidam nunc capit ille tori.
Ast nobis Matrem, Genitor jungit sibi Sponsam,
Votis ut nostram reppleat illa Domum.
Felices Sponsos! nos terq; qvaterq; beatos
Natos, dum hæc nobis Lux per amica venit.
Vivite Felices! nec fati sors onerata
Opprimat aut qvicqvid tertur in orbe mali.
Porro longævos facies tua computet annos,
Vive DEO, Sponsæ, vive mihiq; Pater!

Obsequium hoc amoris & honoris Filialis
sc.

JOHANNES FRIDERICUS Berndt/
Thor. Pruss.

Æta dies iterum, Superis ridentibus, orta est,
Post nigra purpureus nubila Phœbus adeſt,
Lurida quæ fuerant mœroris fata, repente
In fumos abeunt, tempora lœta vigent.
Bis fueras vidui mæſtissimus incola lecti,
Bis jussus lacrymis busta rigare piis. Sed

Sed fortuna furens, sors E^g mutatur acerba,
 Jam redeunt Domui gaudia grata tue.
 In thalamum quando sociali fædere Sponsam
 Ducas, E^g Idalia tertia vota facit.
 Dilectam ducas, quâ non mihi gratiор orbis,
 Matrem, vel quicquid machina vasta tenet.
 Sis thalamo hoc felix, ô urbis gloria nostræ,
 O Thorunensis lucida stella poli.
 Consiliis cives doctis qui ritè gubernas,
 Consiliis florent Templa Scholæq; tuis.
 Non uestrum Lachesis, Clotho, non Atropos atra
 Turbet, nec violet sœva Megara Torum.
 Crudeles absint morbi, mentisq; labores,
 Absit atrox Ate, terribilesq; striges.
 Vos hominum servet diuīmq; æterna potestas,
 Vos longâ vita prospereitate beet.
 Semper Amalthea fundat sua munera vobis
 Cornu, divitias fundat E^g ipse Tagus.
 Gratia cum Nymphis geminisq; sororibus adsit,
 Audeat E^g socios ducere blanda choros.
 Non Eris unanimem uestrum unquam turbet amorem,
 Lata senes letum donec ad astra uchet.

Ex filiali officio amoris & honoris
 appos.

MATTHIAS BEHEM.

26(0)sc